

四庫全書

史部

欽定四庫全書

史部

欽定大清會典則例卷四十八

詳校官檢討臣劉 炳

編修臣程嘉謨覆勛

總校官原任中允臣王燕緒

校對官助教臣黃昌禔

騰錄監生臣董邦本

欽定四庫全書

欽定大清會典則例卷四十八

戶部

關稅下

一直省關差順治元年題準專差戶部漢司官  
一人照例撰給專

勅精微批文○又定左右兩翼守庫官張家口差滿  
官收稅○四年題準荆關通惠河中河清江廠

杭州蕪湖西新各關蘆政等差歸并戶部差滿  
洲漢軍漢官○五年定差滿司官徵頓關稅○  
七年定獨石口殺虎口差滿官筆帖式收稅○  
八年定各關專差漢官每關一人○九年覆準  
并西新關江寧倉為一差停獨石口差○十一  
年題準各關兼差戶部滿漢官筆帖式○又題  
準各關差令戶部司官食俸三年者掣籤如無  
滿俸者方許未滿俸司官掣差○又題準關差

向無迴避原籍之例今定直省人各避本府邊  
鎮人各避本鎮京劄差不在此例○十三年題  
準各關專差漢官兩翼差筆帖式張家口殺虎  
口各差滿官一人漢軍官一人筆帖式一人照  
例一年更代○十五年題準荊州關差部員收  
稅○十八年題準凡關差掣籤令滿司官親寫  
堂官驗封公掣不許書役干與○康熙元年題  
準各關兼差滿漢官筆帖式各一人六部各咨

送滿漢官筆帖式各一人輪掣蒙古漢軍皆停  
差遣○又定張家口殺虎口專差滿洲蒙古官  
○二年題準滿官差郎中員外郎漢官專差郎  
中○又題準兩翼張家口殺虎口與各關一例  
輪差六部司官○三年題準各關差令六部滿  
洲蒙古漢軍漢人各司官及筆帖式同掣籤其  
兩翼張家口殺虎口仍差戶部官筆帖式○又  
題準各關差滿漢官到任未滿四月有事故者

補差同先差官更代四月以外不準補差如筆帖式有事故不論月分補差同滿漢官更代○又題準除已出各項部差不復差外其差過一次官以回部月日久者送戶部輪掣凡在差六月外有事故徹回者即作一差不及六月者仍補差○又題準六部各司留俸淺官一人辦事餘均送差如止一人則不準送○又題準各關停差筆帖式兩翼張家口殺虎口仍照舊例○

四年題準各關稅均交地方官管理崇文門歸  
治中天津關歸天津道龍泉各關口歸井陘道  
紫荆各關口歸直隸守道臨清關歸東昌道握  
運廳歸通薊道居庸關歸昌密道西新關歸江  
鎮道蕪湖關歸池太道揚州關歸驛傳道許墅  
關歸蘇常道淮安關歸淮海道北新關歸浙江  
布政使荆關歸荊州府同知九江關歸九江道  
贛關歸吉南贛道太平橋歸南雄府知府遇仙



橋滄光廠歸韶州府知府徵收稅課兩翼張家  
口殺虎口仍差戶部滿官○七年題準崇文門  
兩翼選差各部滿漢官北新關改隸兩浙鹽運  
使○八年覆準各關仍令六部滿漢官論俸掣  
差先差過者不準再差并臨清倉臨清關為一  
差樞運廳居庸龍泉紫荆州府潁州府各關  
仍交地方官管理○九年覆準淮安關兼管淮  
安倉及工部清江廠○又題準兩翼專差滿官

筆帖式○又題準戶部蕪湖關兼管工部蕪湖  
關工部龍江關兼管戶部西新關仍照各部錢  
糧覈銷○十四年議準各關選差賢能官其筆  
帖式仍論俸差遣停其議敘議處○十六年題  
準贛關太平關仍差部員○十八年覆準各關  
仍論俸差遣○十九年題準潼關山海關照例  
差六部滿官一人潼關兼收大慶關龍駒寨二  
處稅課○二十一年題準鳳陽關照例差六部

滿官一人收稅

舊例鳳陽倉徵收

○又題準九江關移

駐湖口○又題準停差潼關山海關部員仍交

地方官分管○二十三年覆準福建廣東二省

設滿漢海稅監督各一人筆帖式各一人○又

覆準六部司官仍照前差遣外其餘衙門應均

分差遣宗人府理事官副理官主事內閣侍讀

起居注主事都察院經歷都事共四十二人作

一分督捕郎中員外郎主事太僕寺員外郎共

五十人作一分理藩院郎中員外郎主事大理  
寺寺正光祿寺署正共五十七人作一分各照  
六部司官論俸差遣其各衙門筆帖式亦應均  
差以吏科國子監歸吏部額內共筆帖式一百  
十有三人太常寺鴻臚寺戶科中書科登聞鼓  
院歸禮部額內共筆帖式一百十有六人鑿儀  
衛起居注歸兵部額內共筆帖式一百十有四  
人內閣中書歸宗人府額內共一百三十人大

理寺光祿寺禮科兵科詹事府通政使司欽天  
監歸理藩院額內共筆帖式一百五十人太僕  
寺刑科工科翰林院歸督捕額內共筆帖式一  
百五十一人都察院歸工部額內共筆帖式一  
百三十九人亦按年分差遣○又題準張家口  
殺虎口二處停止專差戶部照各關例令各部  
院官制手差○二十四年覆準江南浙江二省設  
滿漢海稅監督各一人筆帖式各一人○又覆

準西新龍江二關各設專官課稅仍照各部銷  
算○二十六年議準四省海差一年更代○又  
議準淮安沙溝地方歸并淮關其朦朧軋東岔  
河等處不必稽察○二十八年

諭採捕魚蝦船及民間日用之物並餬口貿易悉免其  
收稅嗣後海關著各差一人欽此○又奉

旨關差所遣中書筆帖式不必論其捐納并調年月止  
以始補筆帖式日計算差遣○又覆準沙溝繫朦朧

軋東總匯若歸淮關稽察是在海關要地又增  
一稅今將朦朧歸海關軋東歸淮關沙溝免其  
稽察○又覆準西新龍江二關相隔二十里商  
民兩關稽察難免守候嗣後將西新關歸并龍  
江關專差監督一人○三十年覆準在京內外  
共關差二十六處左右兩翼張家口殺虎口古  
北口潘桃口六處不差漢官崇文門等二十差  
應差各部院衙門滿漢官將多寡數目計算勻

差內務府官照前作二分漢官作二分各部院  
衙門滿洲蒙古漢軍司官及筆帖式按八旗作  
八分每次將俸深官各咨取二人公同掣籤差  
遣○三十三年設立山海關差官管稅○又覆  
準張家口徵稅在宣府兼收殺虎口稅課在右  
衛兼收○三十四年覆準浙海關於寧波府設  
立衙門將沿海巡邏哨船內撥二十船召募衙  
役於各口巡察○又覆準浙江定海縣設海關



衙署並設紅毛館一所令監督往來巡視一年  
差滿將所徵稅銀作為定額○四十六年議準  
山海關外金州牛莊等處交與監督巡察越關  
漏稅所得贏餘據實報部作為定額○四十七  
年定荆關稅務工部差官管理○五十三年臨  
清關監督題報關額奉

旨欽監督任滿交巡撫監收○五十四年議準九官臺  
清河松嶺子等處交與山海關監督巡察收稅

增課銀三千兩○五十五年北新鳳陽天津三  
關監督題報關額奉

旨竱監督任滿交巡撫監收○又覆準將交與巡撫監  
收之關稅均令其歲終彙解其各關監督所收  
稅銀仍照二十五年題定之例報解至報部簿  
單停其四季解送竱任滿之日親身投繳○五  
十七年議準江南浙江等五省貿易商船到厦  
門就驗不便增稅照舊例收泊厦港貿易者在

廈門海關納稅收泊江浙各省貿易者在各處  
海關納稅○五十八年議準淮關稅務於兩河  
同知內遴選一人管理○又議準福建糖船至  
廈門發賣者令赴該關納稅其往浙江江南各  
省貿易在廈門停泊者免其輸稅○五十九年  
議準江海關交與江寧巡撫浙海關交與浙江  
巡撫即令各該撫分辦八處銅○又議準橫城  
地方設口收稅交與山海關監督兼管增稅銀

千兩作為定額○又覆準淮安版牘暫交與江  
蘓巡撫管理○雍正元年覆準九江關仍自湖  
口移歸九江其不由九江經過之江南江西往  
來商船於大孤塘別設口岸照例徵收今江西  
巡撫選賢能官二人一駐劄九江一駐劄大孤  
塘湖廣往江西船若在九江納稅至大孤塘即  
驗票放行江西至湖廣船在大孤塘納稅至九  
江即驗票放行如有重徵苛勒等弊該撫不時

稽察題叅○又

諭嗣後稅務交與地方官監收於錢糧地方均有裨益  
著議奏欽此遵

旨議準淮安等九關均交與巡撫委官兼理外嗣後九  
江滸墅揚州西新蕪湖太平贛粵海浙海九關  
停其遣官亦交與該撫令地方官兼管所收稅

銀照例解部崇文門無地方官可交仍差內務  
府官山海關差仍將部員論俸開列左右兩翼

古北口潘桃口殺虎口

盛京渾河

即胡納胡河

等處均繫小差仍照例差遣部

員○二年覆準淮安關仍差部員許墅關交蘇

州織造官管理○又覆準張家口監督應辦紹

皮羊皮免其辦交其運送游牧處羊毛馬牛等

皮交與地方官運送每年節省銀四千兩歸入

正額交納○四年議準廣西梧州二府稅銀令

該撫將實在徵稅之數詳悉察覈委廉能官監

收每月盡收盡解一年之後視收過稅銀於舊  
定解額外贏餘若干據實定議具奏○又議準  
游牧處應解皮毛仍令張家口監督運送至京  
所需車價在節省銀內動支據實覈減造冊報  
部統於考覈案内題銷○五年題準奉天牛馬  
稅差向例於

盛京五部將軍衙門郎中員外郎主事內俸深者  
委用惟是本地俸深人員未必盡能稱職嗣後

奉天牛馬稅差於在

京部院衙門俸深官內各選一人保送開列引

見差往令其盡收盡解如有徵多報少等弊即題叅

議處○又引

見山海關稅差奉

旨嗣後內府八旗俸深官不必論內府旗分惟論俸開  
列○六年

諭鳳凰城中江稅務向來皆繫城守尉等官管理但此



處繫外國交易之地關繫緊要見今盛京五部司官均繫朕簡選補授之人嗣後著盛京五部侍郎於五部司官內簡選奏聞點出管理一年更代欽此○又題準嗣後中江稅差一年差滿更代令

盛京戶部照例簡選保舉送部引

見恭候

欽差○七年題準浙江南北兩關稅務令杭州織造

官就近管理○十三年引

見殺虎口監督奉

旨嗣後應出小差俸深官不必令其在部掣籤者與保送官一同引見○乾隆二年覆準武昌廠務不必專

委武昌府同知照各省之例於就近道府廳官內遴選經管一年期滿題明更代仍於限滿之時將徵收正額贏餘數目具題考覈○四年奏準鳳陽關稅務照崇文門山海關之例於各衙門保舉及俸深官內開列具題請

旨簡用一年差滿更代其臨清江海蕪湖贛浙海荆  
太平等關仍交巡撫兼管○十二年奏準凡崇  
文門左右兩翼張家口殺虎口山海關等處稅  
差例繫宗人府六部各保一人內務府保送二  
人同八旗內府俸深官一并開列題請

簡用至用完保送之人再行各衙門咨取惟是稅有  
大小各官才具不同嗣後若保送官用至剩二  
三人時除所剩人員衙門無庸咨取外應行文

別衙門令其保送竣各關差滿一并開列引

見○又題準中江稅銀酌定每年以三千二百九十  
四兩作為額徵如朝鮮貿易一年四次之外有  
多交次數盡收盡解其貿易貨物令該城守尉  
守邊門官造冊報部管理稅務仍就近委

盛京五部司官監收凡所需用歲給銀二百兩於  
火耗銀內動支

一考覈順治五年題準關差考覈稱職方準回

部有不稱職者該督撫據實題叅○十一年題  
準關差一年為滿凡到任回部均量地遠近限  
定日期崇文門限前官任滿第二日到任本任  
滿第二日回部河西務限六日臨清關二十日  
淮安關五十日揚州關五十五日西新關六十  
二日蕪湖關鳳陽關六十七日潁墅關七十一  
日北新關九江關八十六日贛關百有十日太  
平關一百三十五日違者覈叅○康熙四年覆

準地方官徵收關稅以受事日為始扣至一年  
督撫題報考覈○八年題準關稅欠不及半分  
者罰俸一年半分至一分以上者降一級二分  
以上者降二級三分以上者降三級四分以上  
者降四級皆調用五分以上者革職闕額錢糧  
免其追賠溢額不準議叙如有事故以離任日  
為止作分數考覈至商稅不令親填簿冊及不  
給紅單者罰俸一年如將部頒稅簿用關差印

填送或將稅簿紅單不按季報部者罰俸半年  
收稅單簿報部限期天津關二十日臨清關二  
十五日淮安關揚州關蕪湖關三十五日蕪湖  
關西新關四十四日北新關四十五日  
日九江關五十五日贛關六十日 ○十一年題  
準關差回京原領專

勅精微批文親繳部科違限一月以內者免議一月  
以外照例交部議處○十四年題準各關欠不  
及半分者降職一級留任餘照前例全完者紀  
錄一次溢額每千兩者加一級至五千兩以上

者以應升先用部差官員不令督撫管轄如地方荒歉河道壅塞自行報部移咨督撫察覆考覈○十六年題準各關額稅銀二萬兩以上者仍照前例議叙萬兩以上者額稅全完紀錄一次溢額半分以上加一級一分以上加二級一分半以上加三級二分以上加四級三分以上以應升先用數多者遞準加級○十七年定關稅足額者不準議叙○十九年題準山東仍開



海禁令該撫察報船戶毋致匿稅○二十五年  
議準嗣後稅銀四季報解部科簿單候任滿日  
彙報有溢額者停其議叙○又議準商人親填  
簿單令各監督任滿親身帶回繳送部科察覈  
○四十六年題準蕪湖關粵海關均展限兩月  
北新關展限三月天津關展限二十日○四十  
九年

諭各關請展限者甚多此皆伊等圖利並無益於公事

此後將題請展限者著永行停止如有題請者該部嚴察議奏欽此○五十四年覆準山海關夏秋靈雨

商賈阻滯洋船來者寥寥以致錢糧不足再義

州所屬沿邊等口近年姦商漏稅著展限一年

令監督親身赴舊關九官臺喜峯等口巡察所

得贏餘銀作為額稅關額錢糧亦令補足○五

十五年議準嗣後各省關差一年差滿關欠錢

糧題請展限補關額者交與該部照溺職例革

職其所欠銀交與該旗著落家產追賠如有遲滯不將任滿回京日期於兩月前具呈考察及收稅冊籍不交納者將出差官暫停升轉竣考察具題完日方許照常升用○五十八年覆準浙江南北二關將任滿一年稅銀照例按季解部○雍正二年題準贛關稅銀每年呈報內部就近充餉○五年議準嗣後川省米船到夔關時即令該府稽察除夾帶私鹽及違禁等物按

律究擬外其船之大小照依淮關尺寸則例科  
稅如有別項貨物仍照夔關舊例收納統歸正  
項○六年題準四川打箭鑪徵收雜稅照地方  
徵稅之例每兩收稅三分○又題準回空糧船  
裝載梨棗等物滿載者照重運額載糧米四百  
石計算合貨四百八十擔平倉者照三百石米  
算合貨三百六十擔半倉者照二百石米算合  
貨二百四十擔以小擔每擔四分計算滿載應

納銀十有九兩二錢平倉納銀十有四兩四錢  
半倉納銀九兩六錢豆貨滿載仍以四百石算  
納銀十有六兩平倉以三百石算納銀十有二  
兩八錢半倉以二百石算納銀六兩四錢○又  
題準淮關每年首二三季額銀仍差吏役管解  
其第四季額銀及一年存庫彙解並贏餘銀自  
雍正六年為始當季滿之時咨報蘇州巡撫委  
官解部○七年題準潼關徵收商稅較之部頒

條例久已加增往來商販久已相安若仍令遵  
照部例徵收徒為官役中飽於商毫無裨益應  
照見徵之數著為定例勒石關前仍將見行徵  
收銀歸入正額造報○又秦準江海關所屬廟  
灣口稅歸淮安關管理其徵收條例仍照江海  
關之例並將廟灣口一年應徵商稅額徵贏餘  
數目移咨淮關考覈○又題準粵東遇仙橋滄  
光橋廠徵收稅例均照太平橋部頒條例徵收

其蘇木檀香胡椒三項稅銀仍照遇仙橋條例  
權徵○八年覆準廣西梧潯兩廠酌定歲額每  
年梧廠徵收銀四萬六千八百二十八兩有奇  
潯廠每年徵收銀三萬四千一百三十一兩三  
錢有奇除於此二廠徵收額稅內撥給各官養  
廉歲終別冊報部外實存銀二萬八百四十九  
兩三錢有奇作為正額至此內有每年兼收米  
穀稅銀恐歲有豐歉則稅亦有多寡務令盡收

盡解據實具題○又題準嗣後閩海關徵收海  
船梁頭稅銀如船戶有抗欠不完於考覈冊內  
注明報部存案一面行文原籍追完解交接任  
監督彙解如該州縣推諉遲延照依督催雜項  
錢糧之例叅處○十一年覆準鳳陽蕪湖兩關  
平法等子均不畫一交工部成造頒給該管官  
如有私造故為輕重情弊令該督撫察實題叅  
其所收商稅銅斤水脚銀照正稅一例填入單



內給商收執竣早晚放關即驗單截角放行至  
年滿考覈時將所收正稅贏餘若干銅斤水脚  
若干分造清冊報部○又題準廣東瓊州等口  
所收稅銀竣季滿具文解交粵海關監督庫內  
沿塗經過地方撥兵護送解役盤費於羨餘項  
下按程支銷○十二年題準四川夔關徵收商  
稅以雍正十一年奏報銀七萬三千七百四十  
兩九分有奇作為定額其米船稅銀既恐年歲

豐歉商販多寡難以定額令該撫不時稽察飭令監收之官據實盡收盡解仍於每年題報時取具並無隱匿印結彙覈報題○乾隆元年題準揚州關所過邵伯船裝載豆稅準其每石照舊完稅一分其滕家壩落地稅銀就近歸泰州徵收仍附入揚州關考覈○又奏準江西九贛二關鈔課令商人將應納稅銀自行投置收銀之後發三聯單一給商人一交巡撫衙門一存

稅署以免需索侵隱之弊○又覆準淮倉項下徵收商稅等銀該關官一年差滿將任內徵收解給錢糧造冊具題考覈○又覆準張家口居庸關向無火耗其書役飯食等項準照崇文門之例車馱貨物過稅收取飯錢以資養贍○四年

諭上年江安兩省歲旱歉收朕蠲振兼施多方籌畫並令豁免米糧賦稅俾商販流通源源接濟於地

方甚有裨並續經該督奏請將淮安揚州許墅鳳陽等關免徵米稅竝乾隆四年麥熟時停止朕降諭旨允其所請今屆麥熟之期間各屬雨澤尚有未曾霑足之處且上歲歉收之後米價一時未能平減若商販稀至仍恐民食艱難著將上下江各關口米稅照舊免徵俾商賈踴躍從事則米船衆多價直自平而民食有賴竝本年九月米穀盛行之時再照定例徵收欽此○六年

諭各省關稅定有正額而盡收盡解自有贏餘此不  
過杜司權者侵蝕之弊並無有累於商民也但各  
省年歲之豐歉不同貨物之多寡亦異其贏餘原  
不能每年畫一近見各關報滿之時如贏餘浮於  
上年則部中不復置議如減於上年之數即行駁  
覈司權者唯恐部駁必致逐歲加增年復一年將  
何所底止苦累商民事有必然之勢朕思關稅贏  
縮相去本不致懸殊若乙年所報贏餘之數稍不

及甲年原可不必駁覈若過於短少亦必有情由  
惟應令督撫稽察則地方實在情形自難逃於公  
論總之察覈過嚴則額數日增其害在於衆庶察  
覈稍寬則司權侵蝕其損在於國帑此中輕重固  
有權衡况清廉之吏斷不肯侵帑肥家而不顧行  
止者終必敗露亦斷無安享無事之理其如何定  
例之處著大學士會同該部詳議具奏欽此遵

旨議準嗣後各關贏餘銀如與上年數目相仿者戶

部即考覈具題如本年所報贏餘與上年數目懸殊令各該督撫就地方情形詳細察覈如無侵隱等弊即據實聲明覆奏倘該督撫覆奏不實及扶同徇隱別經發覺一并交部議處○又覆準黃豆一項非麥秫可比雖遇歉年不準免稅○七年題準通州戶部分司所屬黃村地方準其照舊設立稅口稽察漏稅○是年又

諭國家設關權稅定其則例詳其考覈凡以宗本抑

未載諸會典著為常經由來已久其米豆各項向  
因商人販賤鬻貴是以照例徵輸第思小民朝饔  
夕飧惟穀是賴非他貨物可比關口徵納米稅雖  
每石所收無幾商人藉口額課勢必高擡價直是  
取之商者仍出之民也朕御極以來直省關稅屢  
次加恩減免又恐權吏額外浮收刊立科條多方  
訓飭每遇地方歉收天津臨清許墅蕪湖等關口  
商販米船槩給票放行免其上課皆以為民食計



也但繫特恩間一舉行未能普徧夫以養民之物而權之稅轉以病民非朕已溺已飢之懷也今特降諭旨將直省各關口所有經過米豆應輸額稅悉行寬免永著為例俾米穀流通民食充裕懋遷有無者不得藉以居奇小民升斗之給不致有食貴之虞以昭朕惠養黎元之至意至各關口徵收則例不一有徵商稅者有徵船料者有商稅船料並徵者今既蠲免米稅其船料一項若不分晰明

確著為規條恐致溷淆滋弊應如何辦理之處著  
該部詳察妥議具奏欽此○又

諭朕愛養黎元特沛殊恩將關權米豆等稅悉行蠲  
免以為充裕民食之計但船料一項議論不一見  
發九卿會議尚未覆奏朕思此事並無難辦之處  
向徵船料者應照例徵收向不徵船料者豈可因  
免米豆之稅而轉加徵船料可即速行文各關知  
之欽此遵

旨議準將向例徵收空船料銀者遇有裝載米糧過  
關其應納料銀照依空船料銀之數納料如本  
繫空船及按年抽單納課者仍照舊例徵收○

又

諭山東臨清關向徵銅補商補相沿已久報部則統  
名之為船料前撫臣改為計石上稅而將銅補商  
補歸入石頭徵解是名革而實存也今朕既降旨  
蠲各省米糧之稅此項亦應一體加恩槩行豁免

欽此○又題準臨清關所屬之德州魏家灣尖  
塚樊厰等處口岸準其照舊設立以便巡察○  
十年奏準行令免徵米豆稅銀各關不得借免  
米豆稅銀名色有虧正額有借端闕額者令其  
賠補其免過米豆稅銀虛數停其造報○又奏  
準回空糧船如無梨棗可帶準其攜帶核桃瓜  
子柿餅等物六十擔以抵梨棗之數如有多帶  
及帶別項貨物者仍按例徵稅○十一年定嗣

後各關任滿具題即將銀數冊籍一同起解仍於題本內將委官起解日期聲明題報其冊籍到部移送戶科磨對竣戶科發回之日由部扣限具題如該關題本已到而銀冊遲至二十日後未到者取具該管官職名叅處又各關徵收贏餘較上年短少有竣督撫察覈覆奏者仍於題本內聲明未便遽行考覈字樣並令該督撫以奉

旨之日為始扣限四月覆奏逾限未覆者即行咨催  
又崇文門左右兩翼張家口山海關年滿向不  
題報今年滿具題各關已經定限考覈則崇文  
門等關亦應酌定限期嗣後以任滿三月之後  
即將冊籍送部移科磨對又嗣後各關年滿具  
題而銀冊已到及贏餘並無短少者雖有經手  
案件未清亦應先行考覈其有應追經費銀仍  
於彼案內著追完結○十二年題準福建詔安

縣溪雅稅館準其改設懸鐘地方以免偷漏○

又

諭昨據工部具奏蕪湖工關較去年短少行令察覈業已降旨依議今日戶部議稱蕪湖戶關贏餘較去年有餘毋庸置議等語此案工關贏餘雖較上屆不足其戶關較上年贏餘之數足敷抵補如將有餘者毋庸置議不足者再行察覈於考覈功過之意未合即行察覈亦徒多往返登答工部再行

察覈之處不必行嗣後著該部照此辦理如一人而兼兩關其比較上年贏餘之處均有不足再令該督撫據實察覈欽此○又題準淮安關之廟灣口船鈔向繫按季僉差赴阜寧等五縣協催憑差役按戶徵收難免勒索嗣後令各州縣就近徵收按季解關○十三年

諭朕降旨蠲免各關米豆稅銀本以食為民天關稅優免則市價可減是以不惜千萬正課為小民謀



饗殮寬裕計當時內外臣工屢有以但利商賈無  
益民生為言者槩未允準朕意欲試行數年果否  
於民食有裨再行酌量乃數年來稅免而米豆之  
價不惟不減且昂貴時或有加明繫姦商不知免  
稅之恩專利自封轉以有限之帑項肥三倍之囊  
橐無裨閭閻允宜仍復原額且地方偶有偏災即  
將該處關口應徵米豆稅額加恩寬免則舳舻聞  
風雲集市直自平駟儉不得居奇窮黎均霑實惠

轉得操權自上朕意不專為軍需起見也如既復之後姦商藉端長價弋利妨民該地方官即應嚴行察明究處至淮關因寬免米稅後該監督奏準加徵船料今既徵米稅仍循舊例行各該監督暨地方官明悉出示曉諭毋令胥役陽奉陰違致滋弊竇欽此○又奏準淮關裝運米豆等免稅船過關凡滿二百石以至十石之外應報納整單者照例量明梁頭尺寸每尺料以船契銀二錢五

分分單每尺科船鈔銀三錢三分照各船實在  
梁頭權數槩以九折折準尺寸一律科算徵收  
其未滿二百石僅有二三十石及一百八九十  
石者準照渡船並小契半鈔大契半鈔之例數  
滿二十石為渡二徵鈔銀二錢三十石為渡三  
徵銀三錢四十石為渡四徵銀四錢五十石為  
渡五徵銀五錢六十石至九十石為渡六皆徵  
銀六錢如滿百石除徵鈔銀六錢外再報小契

一張納銀六錢如百有十石至百五十石除納  
小契外納鈔銀八錢如百六十石至百九十石  
契銀按梁頭二錢五分一尺科徵外納鈔銀一  
兩至自上而下之船有由淮關分口之長山白  
洋新河後湖四處例先徵收北鈔錢糧今大關  
雖改收契鈔並非重複並廟灣口例徵梁頭銀  
均照舊徵收又過關應稅貨船並無駁運偷漏  
情弊未便照米豆等免稅船加徵應仍照整單

分單舊例徵收準其來回一載年滿再行別納  
○十四年奏準各關徵收贏餘銀除各關監督  
向由自行奏

聞者仍照舊例辦理其例應報部者該監督於年滿  
時比較上屆若有短少即報督撫確察該督撫  
出結會奏所有比較上屆短少銀數即於各該  
督撫監督名下追賠再關稅考覈定例收稅官  
欠不及半分者降一級留任欠半分至一分以

上者降一級欠二分以上者降二級欠三分以  
上者降三級欠四分以上者降四級皆調用欠  
五分以上者革職原因正額短少是以分別議  
處今贏餘雖與正額有閒若不酌定處分恐致  
懈弛嗣後比較上屆短少不及一分者免議外  
其一分以上者罰俸一年二分以上者罰俸二  
年三分以上者降一級留任四分以上者降一  
級調用五分以上者降二級調用仍令按照條

例徵收不得藉端滋弊工部所管各關亦一例  
辦理○十五年奏準各關管理稅務無論兩任  
三任均令扣足一年為滿其管關一年零數月  
者將一年贏餘奏報零月歸於下屆統俟扣足  
一年再行彙奏其各任所徵贏餘較之成數無  
虧及此任徵多能抵補彼任短少者均毋庸議  
倘彼任短少而此任所餘之數不能抵補者止  
將短少之員議處如各任所徵銀數皆少者皆

照例議處如前任所徵稅課果繫實力稽察盡  
收盡解令接任之員出具並無捏飾印結送部  
其已經出結以後接任不得復將短少緣由推  
諉前任倘接任官員察出前任果有徵多報少  
侵蝕等弊即據實參奏如扶同徇隱發覺將出  
結之員一并交部議處○十八年

諭各省奏報關稅贏餘數較上屆短少部議皆交督  
撫察明情由從未有察出侵蝕情節據實參劾者



章奏往返竟成故套朕思關稅時贏時絀勢所不免若無故短少或任意侵肥該督撫自應隨時奏聞治罪如果無情弊何必重複聲明致滋案牘嗣後各省奏報關稅贏餘數目該部覈覆時毋庸復交督撫察奏欽此○又奏準關稅贏餘較上屆短少無幾者本部隨奏覈結較上屆短少大相懸殊者令該監督將該年情形據實奏報如無故短少任意侵肥本部即行叅奏仍照數追賠其

工部所管龍江等關亦一例辦理

一禁令順治九年題準各關差不許留用保家  
委官等項名色其額設巡攔各製號衣腰牌以  
杜冒充○十年題準令各關差刊示定例設置  
收稅不得勒扣火耗需索陋規並禁關役包攬  
報單○十一年覆準各關納銀數多給票數少  
者許商民首告議處○十三年題準過關船如  
有指稱內外官及旗下人夾帶私貨者該關官

報部叅處○又題準各關當堂設置設梁頭貨物條例商民親自填簿輸銀投匱驗明放行隱漏者治罪如有濫委差役苛索民間小船往來衣服食物者該撫察實叅處○十四年題準關稅照部頒條例刊榜豎立關口便商輸納○康熙二年題準外國人帶進貨物崇文門不必收稅○四年題準各關不許復用舊役○五年題準嗣後崇文門貨物出門者免稅○八年議準

各關刊榜除去鈔貫字樣明載徵銀數目收稅  
單一樣填寫二紙一留商人一送部察覈○九  
年題準各關召募書吏不許舊役更名復充

十一年題準裁各關典吏攢典○十八年

諭各關額外橫徵差役四出擾害商民者該部嚴禁訪  
叅欽此○二十三年覆準福建廣東許用載五百石

以下船出海貿易地方官登記人數船頭烙號  
給發印票令防守海口官弁驗票放行撥船巡

哨如有雙桅八槳載五百石以上大船出洋夾帶禁物及文武官弁借端需索者皆從重治罪其進海口內橋津地方貿易舟車等物停止徵稅○二十四年議準江浙二省亦許出海貿易其禁例與閩廣同○又覆準福建沿海無篷桅捕魚船稅仍聽地方官徵收其有篷桅船聽監督照例徵收梁頭稅課沿海要口均撥哨船衙役巡察○二十五年議準州縣官隱匿海口之

船至五船者罰俸六月十船以下罰俸一年十  
五船以下降一級留任二十船以下降一級調  
用二十五船以下降二級調用三十船以下降  
三級調用三十船以上革職仍計所隱之船應  
徵稅銀照數賠補○又

諭橋道渡口處所槩行收稅於朕卹商之意不符著九  
卿詹事科道會議具奏欽此遵

旨議準止收出海入海船稅進口內橋津地方貿易船

車等物仍停其徵收○三十二年覆準設關原  
以通商便民近多違例濫徵甚至小河小港以  
及近關之地旱路均行攔截擔負之民盡行檢  
索嗣後令各該督撫不時訪叅如別經發覺將  
該督撫一并處分○三十四年覆準各關監督  
所給商人印單不許撤回如有撤回多徵等弊  
該撫題叅議處○三十六年議準關差赴任均  
照各衙門事例聽舊官僉點經制書吏如有自

京私帶積蠹及年滿復充舊役謀占總料庫頭  
名色者嚴加議處○五十二年議準嗣後出差  
官攜家口赴任與不酌量關口足用多帶家人  
及任滿回京不照題定兩月限內具呈考覈擅  
買田宅者發覺之日交與該部治罪至衙役除  
解餉公事仍赴京長接監督在任買優置妾及  
以闕額藉口題請展限者皆交該部治罪○五  
十三年題準湖廣桂陽等四縣行銷引鹽蠹



串通太平關權蠹阻留勒索又太平關統轄三  
關每過關船勒索單銀橋錢行令督撫嚴行禁  
止○五十五年議準瓜洲稅課司每年額徵稅  
銀向徵貿易小民此後停其徵收令揚州府同  
知代為捐解並造入該同知經徵由牘額稅內  
別款清解如該同知再於商民私徵該撫即行  
題叅其稅課大使既無徵收之責著令裁去○  
雍正元年

詔各關差除正額錢糧外加增贏餘銀作何減除之處  
該部酌議具奏遵

旨議準將淮安北新南新鳳陽天津臨清江海浙海荆  
州等九關加增贏餘銀悉行裁去○二年

諭國家之設關稅所以通商而非累商所以便民而非  
病民也朕撫御寰區加惠黎庶惟恐民隱不能上達  
近聞權關者往往寄耳目於胥役不實驗客貨之多  
寡而止憑胥役之報單胥役於中未免高下其手任

意勒索飽其欲者雖貨多稅重而朦蔽不報者有之  
或從輕報者有之不遂其欲雖貨少稅輕而停滯關  
口至數日不得過是以國家之額稅聽猾吏之侵漁  
以小民之脂膏飽姦胥之谿壑司其事者竟若罔聞  
又聞放關或有一日止一次者江濤險急河路窄隘  
停舟候關於商民亦甚不便嗣後權關者務須秉公  
除弊過關之船隨到隨驗應收稅者納稅即放不得  
任胥役作姦勒索阻滯以副朕通商便民之意至於

崇文門收稅及分委各口收稅之人亦有多方勒索  
分外苛求之弊京師為四方輻輳之地行李絡繹豈  
宜苛刻滋擾監收者尤當不時稽察杜絕弊端各省  
關差若不遵諭旨經朕訪聞定從重治罪欽此○又  
諭凡商賈貿易之人往來關津宜加恩卹故將關差歸  
之巡撫以巡撫為封疆大吏必能仰承德意加惠商  
旅也但各關皆有遠處口岸所委看管之家人賢愚  
不一難免額外苛求及索取飯錢等弊稍不如意則

縛送有司有司礙巡撫之面徇情枉法則商民無所  
控訴矣嗣後著將應上稅課之貨物遵照條例逐件  
刊刻詳單印刷多張各貨店均給一紙使衆人知悉  
其關上所有刊刻條例之木榜務令豎立街市使人  
人共見不得隱匿屋內或用他紙掩蓋以便高下其  
手任意苛索立法如此自能剔除弊端各省兼管關  
稅之巡撫受朕委任之重尤當仰體朕心遴選誠實  
可信之人以任稽察之責必期商民有益方為稱職

欽此○五年覆準游墅關豆稅舊例丈八梁頭  
納銀六十七兩三錢小販每石七分近來丈八  
梁頭有改造深寬者令循例籤量多者依數每  
石二分六釐遞加其過船倉限槽餘豆亦每石  
二分六釐小販改每石四分○又題準糧船於  
裝卸馬頭產貨地方令押運官及沿途催運文  
武官弁親身察驗如有不法姦丁舵工水手人  
等沿途停泊攬載多貨立即申報題叅將運丁

照漏稅例治罪貨物入官拏獲之兵役量加賞  
給如有明知故縱及漫無覺察者將該管運弁  
並地方官皆嚴加議處○又題準各商船戶不  
許私走支河務須直赴關口按例輸課如有包  
送漏稅及隨帶軍器恃衆拒捕等弊將姦徒姦  
商船戶按律究治地方官議處至於近關土豪  
或繫無賴或繫革役成羣冒充巡攔撐駕白船  
橫截汊港要路攔阻鄉民柴米食用器具不應

納稅之物勒索銀錢者許監督地方官弁協拏究治○又奏準回空糧船許帶土宜六十擔免其輸稅伊等勢必將貨分散各船侵欺稅課嗣後回空糧船所載梨棗等物仍令輸稅○又奏準許墅關嗣後徵收大梁頭船裝載豆貨活梁頭船裝載米貨均令籤量計石收銀四分其紬段每擔輸稅銀二錢六分以七十五斤為一擔布每擔輸稅銀二錢五分以百二十疋為一擔



桐油一擔輸稅銀一錢二分至各色貨各樣船  
應徵條例並令刊刻木榜曉諭商民其各關徵  
收稅銀亦令各關監督將各處見行徵收條例  
據實陳奏刊榜曉示毋得陽奉陰違倘經接任  
官察出從重治罪○又題準臨清關徵收米麥  
稅銀照潞豐關之例籤量計石每石納銀二分  
二釐雜糧照原額每石一分一釐船戶應納正  
糧仍照舊徵輸○七年

諭各關開放商船向例有部頒號簿近聞各關別設私簿徵收惟於報部之時始將號簿挨日填造其意以水路船往來多寡不齊若據實填簿則不能逐日有徵收數目恐干部駁是以設法勻派填造如此則簿內全非實在數目與商船過稅串票毫不相符殊非政體且凡事據實則可以無弊作偽則弊竇叢生今既任意勻派填造則號簿亦為虛設矣嗣後各關於部頒號簿務須據實填寫倘無船過稅之日亦即注

明不得仍蹈前轍如敢故違定嚴加議處該部亦不得濫行指駁致滋弊端欽此○又題準浙省南北兩關及浙海關稅徵收稅銀事宜均令刊立木榜以便商旅其嘉湖兩府南糧並民間完納漕糧租米等項進關原非商販其船稅一槩免徵○又奏準鳳陽關所轄之正陽關商船以豫斛三百石為滿料關下裝船以五百石為滿料多餘者為加倉不足梁頭者為小販光州雜貨以擔

計稅窰蓬竹木以件計稅臨淮長淮照梁頭例  
盱眙等本處裝載照關下例臨淮桅封船鈔每  
丈納銀二兩二錢每增減一尺各增減稅銀三  
分並令將各口條例刊榜曉示○八年題準天  
津關向來收稅一兩加等耗一分八釐船料一  
兩加等耗五分八釐著永行禁革○又題準嗣  
後有黃金販賣出洋者照鐵貨銅錢等物私出  
外境下海律治罪其監督守口文武官弁受賄

故縱與犯人同罪失察者照律叅處○又題準  
採捕魚船夾帶米穀皆由私牙代買囤口豫積  
小船般運停泊游移之故嗣後米牙必擇身家  
殷實取鄰甲同行保結如串商代買本人並濫  
保者一例治罪其海口居民多行囤積私糶者  
鄰甲舉首免罪止究本人容隱發覺並行連坐  
外來船均令進口停泊其各灣小船令地方官  
按數察明編號入冊取具互結令各營縣汛口

官弁兵役實力稽察如有盤出私米及首報者  
準其賞給十分之三在洋拏獲者給半餘入官  
充公仍飭巡察兵役不得將海口居民食米指  
稱私積詐害違者按律治罪○又題準福建沿  
海各屬給照通糴米穀令各營縣官弁察驗照  
內買米地方準其買足即於照內注明數目移  
知原籍察對如逾地偷買者拏究該地方官弁  
或故縱奉行不力者指名題叅○九年題準山

海關之西北石門寨等處梨稅準其每包減稅  
一半止納三分以卹窮民將各稅徵收火耗酌  
定以每兩扣耗二錢其二錢二分者減去二分  
二錢五分者減去五分○十年議準徵收商稅  
條例令管關者刊刻散給未免隱匿由已應行  
令各督撫轉飭附近關口之地方官將題定見  
行條例刊刷小本頒發各行戶散賣每本定價  
銀二分以為刊刷之資仍委官不時訪察如各

關木榜有黏貼掩蓋及書役苛索等弊即詳報  
上司題叅至地方官刊發條例有不詳晰校定  
遺漏錯誤或扶同徇隱者一并叅處○十二年

諭直省關稅監督於地方官原不相統轄一切呼應不  
靈而大小口岸甚多監督一人勢難分身兼顧雖選  
委書吏巡役公同親信家人稽察收放而地方文武  
官弁以為無與已事並不協力或轉挾私則姦商之  
隱漏土豪之把持督撫或不關心監督動則掣肘不



獨於稅務無補即於地方亦難免擾累嗣後凡有監督各關著該督撫監管所屬口岸飭令該地方文武各官不時巡察如有縱容滋擾情弊聽督撫叅處至監督徵收稅課及凡應行事宜仍照舊例遵行不必聽督撫節制如此庶既有專司仍無敢歧視於稅課商民似均有裨益欽此○十三年

諭聞江南淮安版插地方有土豪人等開立寫船包載等行由該縣濫請司帖合夥朋充為客商之擾累會

經該關差追帖禁止而土豪等仍改易姓名盤踞淮關上下凡有南河北河西河三路豆米貨船內有重載在於關口雇覓小船起駁者輒恃強代雇任意勒索使用不饜不休客商甚為苦累每致觀望不前朕得之傳聞者著該督撫再行確察倘果有此等情弊即嚴懲禁止毋得視為具文嗣後布政使司衙門亦不得濫給牙帖若他處關口有似此作弊者著該督撫一例察禁欽此○又題準山東青白二豆素資江

省民食雖不在例禁之內但沿海載運商船出入理宜設法稽察以杜偷賣應令山東海口各州縣衛設立兩聯印票凡有豆船出口將商客船戶年貌籍貫本船字號梁頭尺丈二豆數目出口月日逐一填注票內一給商船一留該處存察該船到次由海關進口上稅者該關驗明人船豆數相符即於來票內填明到口日期鈐用關印仍將船票交商進口竣賣完回東呈送

原給衙門驗票察銷其由劉河收口者亦令該  
關別設豆船印票發存口岸俟豆船進口上稅  
之時即將印票驗填進口日期將山東來票截  
角一并交與本商回東呈繳其有江南客商在  
東買豆回省者亦由山東給與印票俟回省將  
票繳存關口一月彙移覈銷仍令山東州縣衛  
每月將給過豆船票號造冊申請咨送江南稽  
察江南關口亦將每月到關驗過豆數造冊申

齋咨送山東較對至前次已經出口之船於下  
次出口船票內令山東各州縣衛照數開載聽  
江南海關體察前船會否到省如有未到即關  
會確察嗣後山東豆船倘無印票而載運出口  
及有匿票私賣並與原票不符之處一經察出  
根究明確將無印票而載運出口及匿票私賣  
者船豆皆入官販豆人等照偷運米穀出洋例  
治罪其與原票不符者果有私賣外洋情事將

船豆亦皆入官販豆人等亦照偷運米豆出洋  
例治罪如無私賣外洋情事或因出口之時二  
豆數目未經覈準有與原數短少無多者將販  
豆之人照違制律杖一百船豆免其入官如該  
管官不行詳察致有偷漏私越情弊別經發覺  
照失察偷運米穀出洋例罰俸一年○又議準  
各關將徵收稅條刊書大字立於關口不得書  
寫小字懸立僻處違者該督撫即行題叅又近

關前後數里之內有設巡役者悉行革除以安商旅○乾隆元年

諭朕聞外洋紅毛夾版船到廣時泊於黃埔地方起其所帶礮位然後交易竣交易事竣再行給還至輸稅之法每船按梁頭徵銀二千兩左右再照則徵其貨物之稅此向來之例也乃近來夷人所帶之礮聽其安放船中而於額稅之外將所攜置貨見銀別徵加一之稅名曰繳送亦與舊例不符朕

思從前洋船到廣既有起碇之例此時仍當遵行  
何得改易至於加增繳送稅銀尤非朕加惠遠人  
之意著該督察照舊例按數裁減並將朕旨宣諭  
各夷人知之欽此○二年奏準殺虎口肩擔背負  
攜帶箕筐笊簞鞋襪麥麩等物免其輸稅其興  
販積成車馱捆擔者仍照例輸納○又覆準各  
省米穀稅例龍江西新山海贛殺虎口張家口  
閩海江海太平南新廟灣成都府等處皆稱向



來並不徵收米穀之稅崇文門打箭鑪與揚州  
之滕壩均收酒米之稅其餘豆麥雜糧槩不徵  
收均應遵循舊例毋庸議外至九江粵海蕪湖  
鳳陽清江廠北新天津浙海等關並廣西之桂  
林平樂梧州潯州富川賀懷集等府縣皆稱徵  
收船料揚州由牘淮安宿遷臨清許墅夔關等  
處皆稱籤量計石按例徵稅未便遽行更張但  
米穀為民食所資與百貨不同若分別豐歉

槩行徵收恐歉歲省分致增米價有妨民食嗣後舊徵米稅船料各關除豐登之年遵照舊例按則徵收外倘地方偶遇旱澇其附近省分各關口令該督撫即將被災情形具奏請

旨寬免凡米穀船一到即便放行竢該地方秋收成熟方準按照舊例徵收再廣東開建恩平二縣米船稅銀均屬奇零商販不同外省大商巨艦永停徵收○三年奏準回空糧船稍帶零星梨

粟六十石以下免其權課○又覆準凡裝載米糧船察明實繫販往歉收地方者免稅放行仍給印照至歉收地方關口察驗填明到關月日鈐印發票令其回關察照如回船載有他貨止徵貨稅免其船料倘販米船不往歉收地方卸賣者仍照例輸稅如有捏稱販往歉收處給有過關免稅印票而竟往他處販賣者察出照漏稅例罰懲○又

諭今春因直隸米價昂貴朕特頒諭旨將天津臨清  
二關及通州張家灣馬頭等處米稅寬免徵收商  
賈聞風踴躍往來販運民食無闕已有成效嗣因  
二麥有收經管理天津關報部行直督察覈隨經  
督臣覆奏照例開徵在案近因沿河地方被水較  
重附京一帶米價加昂見在又開海運商販必多  
仍應免輸稅銀以示鼓舞著將內河前項米糧各  
稅一并暫停徵稅俾商賈爭趨雲集於畿輔民食

自有裨益即速行文督臣等知之欽此○又題準  
出海樵採船每船準帶食鍋一口每名止許攜  
斧一把在船人數不得過十人令地方官均於  
照內注明出入察驗有夾帶出口及進口闕少  
者即行嚴究○四年奏準許墅關續設蠡口港  
等十三處王莊等十處顧二房廊下等五處口  
岸巡攔稽察透漏應暫為存留毋庸裁汰仍不  
作報部經制其附近鎮集船載米不及十石及

農民交租辦糧質當米麥並本地土貨槩不得徵收稅銀○五年奏準嗣後在京在外官員家眷船過關除無貨物照常驗放如有姦牙土豪假捏京官名帖討關等弊該管關官即行拏究或京官子弟執持父兄名帖討關夾帶貨物希圖免稅者照例叅處如該管關官不行詳察及明知瞻徇者一并議處○六年奏準嗣後各關領帑委官採辦銅錫鉛經過關口察驗文批數

目相符立即放行不得收納稅課其有額外多帶餘銅及夾帶別項貨物則照例徵收如有偷漏情弊令該監督報叅其運載船既照時價給發水脚仍輸納稅料○又題準嗣後各省發帑委官採買振濟及糶三補倉米穀經過各關口免其納稅止徵船料○七年覆準北新關經過米船準其照舊徵收梁頭課銀不必計石料稅其空船過口亦照舊免其納料○八年奏準江

蘇起運振糶米穀非同客商米穀是以給發水脚止能計站覈給而經由關口難於豫定不能包算船料在內其從前酌定脚費每米穀一石每百里給銀八釐之例既無應輸船料在內而較之民間雇募脚價實屬短少每遇撥運雇覓之時船戶率多畏避若再令其完納船料勢難賠累應將在官撥運米穀免徵船料○九年奏準嗣後福建如遇歉收之年委官於米賤省分



購買海運接濟不得招商運販以滋弊竇○十年題準福建臺灣一府產米素饒泉漳諸府多仰給於臺粟今商漁船般運過多以致漳泉諸府失所援濟嗣後商船每船止許帶食米六十石於出鹿耳門之先令臺防同知察驗有多帶者分別責懲餘米就地起賣倘不能驗明致有夾帶至入口盤出或別處發覺者將該同知照例分別米穀多寡議處其沿海港汊紛歧難免

透漏令地方文武官弁實力巡察拏禁

一各關見行條例有單徵商稅者有單徵船料者有商稅船料並徵者自康熙八年至乾隆十六年節年沿革損益屢經考訂就本關時勢因地制宜應加者加應減者減務期上無虧於

國課下無擾於商旅每關刊刻見行條例各一本由部頒發各關令其遵照徵收部中亦各存一本以備稽考



欽定大清會典則例卷四十八